

Steisno Beronin Waldunin.

Jous Waldai seiti poklusman steimans dra
sins/bhe poraidinneiti en steinu stan laustingiska
beggi Deiros emprikistallaē steimans labbatings!
Adder steimans Laustingsins dastans etnistin!
Stesspaggan laustineiti wans teinu/pōstan ware
wingin rānkān Deiros/kaitans wans erlāngi prei
swaian kērdan / 1. Petri 5.

Steimans Widdewūmans.

Kawida aina tiekra widdewū bhe ainafeilins
gi ast / stai saddinna swaian auschaudisinan no
Deiwan/bhe polinka en madlin/deinan bhe nactin
en/kawida adder en labbaiquiritisan giron/sta ast
gironantei aulause / 1 Tessa. 5.

Steisnu Viru.

Mūlis twaian Tarwisen kai tien subban enstef
mu wirdai ast wissai pallaipsai entensitci / Rom. 3.
Bhe enlāituti sen madlan prei wissans summentis
haus / 1. Timoth. 2.

Krains mukinsu sin swaian mukinsan /
Tit wirt labbai stalluns enstan buttan.